

ՆՅՈՒԹԵՐ ՀԱՅՐԵՆԱԿԱՆ ՊԱՏԵՐԱԶՄԻ ՊԱՏՄՈՒԹՅԱՆ

ԴԱՐԴԵՆԱՅԻ ԿԱՊԻՏԱՆ ՎԱՐԴԵՍ ՎԱՐԴԱՆՅԱՆԻ ՕՐԱԳԻՐՑ

Հայրենական պատերազմի ռազմաճակատում զոհված, զվարդիայի կապիտան Վարդգես Վարդանյանը հայ ժողովրդի հերոսական գավակներից մեկն է։

Վարդգես Վարդարի Վարդանյանը ծնվել է 1910 թվին Իզդիրում։ Սկզբնական կրթությունն ստացել է Իզդիրում և Ղուրղուզուլի գյուղում։ Մանուկ հասակում նա զրկվում է հորից։

Իմպերիալիստական պատերազմի տարիներին, կոտորածների, սովի և ավերումների պատճառով Վարդգեսի մայրը զաղթում և բնակություն է հաստատում Ղուրղուզուլու շրջանի Նոր-Արմավիր գյուղում։ Սովից փրկելու համար մայրն իր որդի Վարդգեսին տանում է Ալեքսլու (այժմ՝ Լենինական) և հանձնում մանկատուն։ Վարդգեսը չորս տարի (1919—1922 թթ.) մնում է մանկատանը։ Այնուհետև նա Վերադառնում է մոր մոտ՝ Նոր-Արմավիր։ Հինգ տարվա ընթացքում ավարտում է Ղուրղուզուլու յոթամյա դպրոցը։ Թանկանալով շարունակել ուսումը, Վարդգեսը գնում է Երևան և ընդունվում Բանֆու, 1927—1931 թթ. սովորում է Բանֆակում։ Վարդանյանին, իբրև բնագետական ուսանողի, ուղարկում են Մոսկվա՝ Էլեկտրո-մեխանիկական ինստիտուտում սովորելու, սակայն, պետ ինստիտուտը չավարտած, մեկնում է Եյսկ՝ ռազմա-օդային դպրոց, 1935 թվին ավարտում է դպրոցը գերադասեց զնանատականներով, Նրան պահում են դպրոցում որպես օդաչու-հրահանգիչ, 1937 թվին Վարդգեսին ուղարկում են Գիև՝ Դնեպրի օդային էսկադրիլիան, որպես օդակի հրամանատար։ Այնտեղ նա աշխատում է մինչև Հայրենական պատերազմը։ Հայրենական պատերազմի առաջին օրերին Վարդանյանը նշանակվում է Սևաստոպոլի օդային ուժերի 8-րդ գնդի գրոհիչ օդաչու։ Սևաստոպոլի հերոսական պաշտպանության առաջին օրերից մինչև վերջին օրը Վարդանյանը ցուցաբերել է արիություն, անձնազոհություն, որի համար հրկու անգամ պարգևատրվել է մարտական «կարմիր Դրոշ»-ի շքանշանով։ Սևաստոպոլից հետո Նրան տեղափոխում են Անդրկովկաս՝ Ռադամա-օդային դպրոցում կադրեր պատրաստելու համար։ Սակայն, ցանկանալով գնալ ռազմաճակատ, դիմում է հրամանատարութ-թյանը և մեկնում Դնեպրիկ՝ մարտական թռիչքներ կատարելու համար։

Վարդանյանի անձնական հաշվում գրանցված է 118 մարտական թռիչք։ Նա ոչնչացրել է թշնամու 26 տանկ, 23 պահականավ ու բարժա, 80 ավտոմեքենա բեռներով ու զինվորներով, 12 հազարից ավելի հիտլերականներ։ Վարդանյանը զոհվել է 1943 թ. հոկտեմբերին։

Վարդգես Վարդանյանի օրագիրը, որ արժեքավոր փաստաթուղթ է նրա

փայլուն կերպարը պծելու համար, Հայրենական պատերազմի պատմության Կարինեստին տրամադրեց նրա կին Դոհար Վարդանյանը:

Ստորև տպագրում ենք հատվածներ օրագրից: Օրագիրը, որ ուսերեն է, տպագրության համար պատրաստել է Հայրենական պատերազմի պատմության Կարինեստի կրտսեր պիտակա՝ աշխատող բնկ. Սեդա Ստամբուլցյանը:

ՀՍՍՌ Գիտությունների Ակադեմիայի
Պատմության Ինստիտուտի Հայրենական պատերազմի
պատմության Կաբինետ

1943թ. Մայիսի 30

Բողոքագիր.

Որոշեցի օրագիր պահել: Պատերազմի օրագիր. չէ՞ որ այնքան շատ հետաքրքիր բան կա և ինչու հենց սկզբից չեմ գրել, իսկ գրելու շատ բան է կղել: Թագմական օդաչուի օրագիր: Կարծում եմ, որ արժեքավոր շատ բան կլինի: Ցավում եմ, որ ուշացել եմ: Չէ՞ որ սկսել եմ կովել 1941 թ. նոյեմբերի 22-ից: Ակտիվ կերպով մասնակցել եմ Սևաստոպոլի—այդ հերոս քաղաքի ամրոց պաշտպանությանը, զոհացել եմ նրա դժվարությունները, հիասթափությունները, հույսերը և բերկրանքը, վիշտն ու տխրությունը: Ի՞նչպիսի այդ բոլորն անցավ և ոչինչ չմնաց ապագայի համար: Կաշխատեմ վերականգնել, բայց կհաջողվի՞ արդյոք: Ո՛չ երբեք:

Ես այժմ գնում եմ պաշտպանելու մեծ քաղաքը՝ Լենինի քաղաքը: Սևաստոպոլից սկսեցի, շարունակում եմ Լենինգրադում: Երկու մեծ հերոս քաղաքների պաշտպանության մասնակցի հպարտության զգացմունքը, ե՞րբ կլինի վերջը, չգիտեմ: Արդյոք նշանակություն ունի՞ դա: Շուտով կսկսվի իմ ռազմական կյանքի երկրորդ էտապը:

Ես էսկադրիլիայի հրամանատար եմ, մարտական օդաչու, կատարել եմ 88 գրոհային թռիչք, ունեմ «Կարմիր Դրոշ»-ի երկու շքանշան: Ահա առաջին էտապը: Այստեղ դաստիարակել և ապագա մարտերի համար պատրաստել եմ երիտասարդ օդաչուների և հրաձիգների: Ես նրանց սիրում եմ, հարգում ու վստահում: Նրանց հետ կարելի է լավ կովել և պիտի կովել: Նրանք իմ զավակներն են, մեր մեծ հայրենիքի զավակները, որոնք պատրաստ են իրենց կյանքը զոհաբերելու նրա համար: Որքան լավ, որքան նվիրված, հիանալի, պարզ ու անհույս, ուրախ տղաներ են: Նրանք այժմ գտնվում են օդանավակայանում: Մարտում քեզ չեն դավաճանի, թևի զուգուհի մի անգամ մարտում չեն եղել: Սակայն նրանք գուցե զուգուհիներ են: Ահա նրանք՝ իմ սիրելի Մաքսյուտը: Այո, նրանք բոլորն էլ իմ սիրելիներն են՝ Պովոլսատսկին, Վելիգուրան, Դուլիկովը, Վորոբյովը, Դուբինան, բոլորն էլ վառվում են երիտասարդներ են: Նրանց մասին կարելի է գրել, բայց թող թերթերը գրեն: Ես նրանց գիտեմ, սակայն գրելը դժվար է, նույնիսկ անհնարին:

Հունիսի 3.

Երեկ թռիչք գործեցինք. ուժակոծեցինք կործանիչների պաշտպանություն: Լավ են թռչում, արագ գլխի ընկնում, հրամանատարի կամքը ճիշտ կատարում: Այսօր ռազմաճակատ ուղարկվեց շտաբը, ամրոցը, գույքը: Վաղը կամ օրերս մենք կթռչենք կովելու: Այնտեղ ծանր մարտեր են տեղի ունենում, կորուստները մեծ են: Բայց մի՞թե կարևորն այդ է: Կարևորն

այն է, թե մենք որքան ոգուտ կտանք հայրենիքին, որքանով կարգարաց-
նենք ծախսված միջոցները, որքան զերմանացի կսպանենք մենք:

Սպանիր դերմանացուն: Սպանիր նրան, եթե ուղում ես ապրել: Սպա-
նել հանուն հայրենիքի, հանուն մեր զեղեցիկ ապագայի, հանուն նրանց,
ովքեր կմնան կենդանի:

Սպանել կյանքի համար: Հակասական է, չէ՞: Սակայն այդպես է դիա-
լեկտիկան, պատերազմի օրենքը: Առավել ես մեր Հայրենական արդարացի
պատերազմի օրենքը:

Մեղ սպասում են ծանր մարտեր: Որքան փորձաթյուններ, որքան
անակնկալներ, պատահականություններ: Թերևս մահն էլ է մոտ: Ո՞վ դի-
տե: Հիմա ոչ ոք չգիտէ, թե ղեռ որքան է ապրելու: Որքան տարօրինակ է:
Իսկ պատերազմը հետաքրքիր է հեռվից: Սարսափելի արհեստ է: Արժե ար-
դյոք, որ մարտիկը մտածի ու խորհի այդ մասին: Ոչ:

Թշնամու նկատմամբ տածվող ատելությունը, նրան, որտեղ էլ որ նա
գտնվելիս լինի, ոչնչացնելու մշտական ձգտումը, խլացնում է բոլոր ին-
տիմ, մասնավոր խոհերը: Հետաքրքիր է: Իսկ այնպես ցանկանում ես ապ-
րել, ցանկանում ես զգալ: Մի՞թե միայն ես եմ այդպես: Ո՛հ, ոչ միայն ես:

Հունիսի 5

Բողոքով:

Էսկադրիկան հանձնելու և վերստին ղեկի Սե ծով վերադառնալու
հրաման ստացա: Զվիճակվեց մասնակցելու Լենինգրադի պաշտպանությանը:
Ծավալի է: Այո, ցավալի է բաժանվել այն օդաչուներից, որոնց նախապատ-
րաստել ես կովելու, որոնց սովորեցրել ես ու սովորեցրել ես կռիվ մղելու:

Զե՞ որ ես նրանց սիրեցի այդ կարճ ժամանակամիջոցում: Հիանալի
մարդիկ էին, մեր Հայրենիքի հավատարիմ գավակներ: Ինչպես այս բոլորը
լավ չի ստացվում: Բայց ոչինչ չես կարող անել: Թերևս այդպես էր
հարկավոր:

Մի՞թե կարող ես հասկանալ այն բոլորը, ինչ որ կատարվում է շուրջ:
Ծավալի է. օդաչուները լավ: հիանալի տղաներ էին: Ես նրանց վրա վստահ
էի, անսահմանորեն հավատում էի նրանց և զիտեի, որ մարտում նրանք
երբեք չէին դավաճանի: Թող նրանք մնան իմ հիշողության մեջ՝ ընկերներ
Մաքսյոստան, սովոչատսկին, Վորոբյովը, Դուլիկովը, Վելիգուրան, Դուրինան,
Խալապինը, իմ քաղ-զծով տեղակալ Դրիչինը, Բագեկինը, օդակի հրամանատար
Կրատեիչը, Շկոդան, շտուրման Իոյսևսկին, հրաձիղներ Իլիկովը, Յակու-
չինը, Պեսացկին, Ռեսելը, Լոգվինովը, Տիտովը, Լոսկուտովը, Պովալը: Իմ
աշխատանքը զուր չի կորչի. այն երևան կգա ապագա մարտերում: Ծան-
կանում եմ նրանց ևրջանկություն ու հաղթանակ:

Շուտով պետք է բաժանվել: Նորից բռնելու եմ քո ճանապարհը, Սե
ծով: Ղեկի քո հայելախալ ջրերը: Թերևս վիճակվել է, որ ես իմ կյանքը,
հանուն իմ սիրելի Հայրենիքի, թաղեմ քո ալիքների տակ: Ո՞վ է իմանում:

Հունիսի 12

Մոսկվա

Արդեն մի քանի օր է, որ գտնվում եմ Մոսկվայում, մեծ քաղաքում:
Ինչպես է փոխվել Մոսկվան այն օրից, որը ես 1933 թվականին հեռացա
այնտեղից: Փառահեղ է ու գեղեցիկ: Մեր հարազատ Մոսկվան, իմ սիրելի
Մոսկվան: Այսօր պետք է մեկնեմ հարավ:

Հունիսի 16

Արմավիր.

Մեր դնացքը կանգնած է Արմավիր քաղաքի կայարանում: Գերմանացիները եղել են այստեղ: Դադաքը չի կարելի ճանաչել: Կատակ բան է ասել, որ մեր քաղաքում տիրություն են արել գերմանացիները: Նրանք ավերել, նրանք կողոպտել ու ոչնչացրել են բնակչությանը և ծաղկուն քաղաքի փոխարեն մենք տեսնում ենք միայն ավերակներ: Ամբողջ ճանապարհին, Տամրովից մինչև Ստալինգրադ, և այստեղ երևում են գերմանական գաղանուկյուններ, բարբարոսությունների հետքերը:

Սակայն զրա հետ միասին երեւում են մեր կարմիր Բանակի հարվածների արդյունքները. տասնյակ կիրճատրերով ձգված են գերմանական ջարդված տանկերի, հրանոթների, ավտոմեքենաների, վազոնների գերեզմանոցները և այլն: Սիրտս հրճվում է, երբ նայում եմ այդ բոլորին և զգում հպարտություն, վստահություն մեր ուժի նկատմամբ, մեր Ստալինի իմաստունության նկատմամբ, այն բանի նկատմամբ, որ մենք կհաղթենք ու կջախջախենք գերմանացուն:

Հունիսի 13

Գեյնշիկ.

Երկրորդ էսկադրիլիայի հրամանատարն եմ: Հունիսի 13-ին, երկարտև ընդմիջումից հետո, կատարեցի առաջին մարտական թռիչքը: Շարունակ թռչում էինք ծովի վրայով և որոնում փոխադրական միջոցներ, բայց չգտանք, դրա համար էլ զրոհեցինք գերմանական ավաշտպանության առջևի եղրի վրա: Նորից կովում եմ: Թե գեո որքան հարկ կլինի կովելու, դժվար է ասել:

Հունիսի 24

Գեյնշիկ.

Այսօր առավոտյան մարտական առաջադրանք ուսացա՝ ոչնչացնել հակառակորդի արագընթաց զենանտային բարձան: Թռիչք զործեցի 8 Իլ-երի ղեկն անցած՝ կործանիչների պաշտպանությամբ: Սակայն, զժրախտաբար, այդ առաջադրանքը չկատարվեց օդաչու Բողղանովի սխալ գործողության պատճառով: Ինձ համար ավելի ամոթալի դեպք չէր եղել: Այսօր ամբողջ օրը իմ տրամադրությունը վատ է... Բայց ոչինչ, ես հետադադում չունեց կտամ, որ դիտեմ, սիրում եմ ու կկովեմ, կկատարեմ հրամանատարության հրամանը, ինչպես այդ վայել է ստալինյան օդաչուին: Ողջ մնամ, այդ բանը ջուրը կտամ ոչ թե խոսքով, այլ գործով: Զի՞ որ կովում, պաշտպանում եմ իմ հայրենիքը, սիրելի հայրենիքը, Իսկ հենչ բան է հայրենիքը: Ի՞նչ եմ սիրելի դուստր Էմոնկան է, դա իմ հիանալի կին Գոհարն է, այդ մեր մայր ժողովուրդն է, այդ մենք ենք, մեր երկրները, մեր ծովերը, մեր ամբողջ սրանչելի հայրենիքը, մենք: Ես սիրում եմ այդ ամենը, սիրում եմ ավելի քան իմ կյանքը: Այդ հայրենիքի համար պատրաստ եմ զոհուրելու: Իմ կյանքը, բայց այդ կյանքը երբեք էման չեմ տա: Երբ ես գոհվեմ և որևէ մեկը կարդա այս տողերը, թող վստահ լինի, որ ես իմ կյանքը տվել եմ հպարտ, որպես բոլշևիկ, որն անսահման նվիրված է իր հայրենիքին, իր պարտիային և իր առաջնորդ ընկեր Ստալինին:

Մենք հարձակվում ենք: Մենք սովորել ենք դիպուկ հարվածել գերմանացիներին ոչ միայն ձմռանը, այլև ամռանը: Մենք հարձակվում ենք: Բավական է որքան նահանջի դառնություններ, վիրավորանք կրեցինք: Մենք

հրճվում ենք, մենք ցնծում ենք, մենք հաստատ առաջ ենք գնում: Պատե-
քազմի մեջ և պատերազմի համար կարող է ավելի լավ և ավելի վեհ զգաց-
մունք ու հպարտություն լինել, քան մեր ուժերի, մեր հաղթանակի նկատ-
մամբ ունեցած հպարտությունը: Դեռ շատ դժվարություններ, պատահակա-
նություններ են սպասում մեզ:

Սակայն արդեն երևում են, երևում մեր ապագայի, մեր փայլուն, հիա-
նալի հաղթանակի վախճանի ուրվագծերը: Կարժանաճում Խրդյոք այդ օր-
վան: Սակայն միլիոնավորներ ողջ կմնան, կզգան, կշոշափեն մեր ջանքերի
սլոուզները և շնորհակալություն կասեն մեզ: Եվ նրանք վրեժ կլուծեն,
վրեժ կլուծեն թշնամուց այն բոլորի համար, ինչ որ թշնամին արել է մեր
երկրում: Արյան փոխարեն արյուն, արցունքի փոխարեն արցունք, ավերա-
ծություն փոխարեն ավերածություն: Մենք պետք է գերմանացիների հետ
շաշիվ փակենք առանց պարտքի, այնպես, որ նրանք տասնյակ ու հարյու-
րավոր տարիներով հիշեն ռուսական պանծալի դեմքը:

Ռուսաստան կարելի է մտնել, սակայն այնտեղից դուրս դալը ամեն-
քին չի հաջողվի:

Օգոստոսի 4

Գելենդի:

Դամի է, նորդոստ է փչում: Այսօր երկրորդ օրն է, որ թռչել հնարա-
վոր չէ: Թերևս վաղը կվերջանա և նորից կսկսենք կռվել: Ռադմահակատ-
ներում գործերը լավ են ընթանում, չուտ լավ: Մենք խփում ենք գերմա-
նացիներին, աստիճանաբար քշում դեպի արևմուտք: Բավական է, որքան
ամառը նահանջեցինք: Հասել է հարձակման ժամանակը:

Օգոստոսի 12.

Ամսիս 10-ին 7 իլ-երից բազկացած խումբը տարա հակառակորդի
ջրային փոխադրական միջոցների վրա: Թռիչքը կատարվում էր օդերևու-
թաբանական դժվարին պայմաններում: Վատ տեսանկյունություն, ցած ամ-
պամածություն ծովի վրա: Ջրասույզ արինք մեկ բարձա և մեկ պահակակա-
տեր: Վերադարձին զրոհեցինք մեկ «Մ—10» տիպի ինքնաթիռի վրա, վերա-
վորեցինք մեկ օդաչուի ու հրաձիգի: Առաջադրանքը կատարեցինք: Վերջերս
թռիչքի ժամանակ ընդհարվեցինք ՅԱԿ-ի հետ, ինչպես ոչ ոք չսպանվեց,
չգիտեմ: Արդեն 93 մարտական թռիչք ունեմ: Ուղի՞ս մարտը է: Տալիս եմ
ամեն բան, որպեսզի կատարեմ հրամանատարության առաջադրանքը: Ես
բոլորովին երկյուղ չունեմ, մարտի եմ դնում առանց ետև նայելու: Հայրե-
նիքը, պարտիան ամեն բանից թանկ են և չեմ ցավում, եթե զոհվեմ մեր
մեծ զործի համար, մեր Հայրենիքի ազատագրության գործի համար: Ի՛նչ կա
ավելի վեհ, ավելի կարեւոր, քան մեր սրբազան պատերազմը:

Օրեցօր ավելի ենք կատարելագործվում, որպեսզի ավելացնենք մեր
թռիչքները էֆեկտիվությամբ:

Օգոստոսի 17.

Գլարդիական զրոշ. սրբան վեհ, որքան հիանալի է հնչում: Օգոստոսի
17-ին գեներալ-լեյտենանտ Պետրովը Գլարդիական զրոշ հանձնեց մեր զո-
րամասին: Մեծ, բերկրալի օր էր ինձ համար: Այդ զրոշը պարտավորեց-
նում է է՛լ ավելի ուժգին հարվածել գերմանացիներին, է՛լ ավելի անխնա
ոչնչացնել նրանց մինչև լիակատար հաղթանակը:

Վաղը կթռչենք լուրջ առաջադրանք կատարելու. ինչով կվերջանա,

դժվար է նախադուշակել: Սակայն մեր նշանաբանն է՝ «հաղթանակ կամ մահ»: Եթե զոհվեմ, ապա կզոհվեմ միայն որպես հաղթող:

Օգոստոսի 18
Գեյնշիկ.

Երեկ կենտրոնացված հարված հասցրինք հակառակորդի Անապայի ողանավակայնին: Երկրորդ խուժրը, որը բաղկացած էր 6 իլ—երից, տանում էի ես: Լոռաբացին թռիչք զործեցինք և հանկարծակի առաջինը հասանք ողանավակայանին: Երբ խուժրը զոհվործեց, միայն այն ժամանակ զերմանացիները հրետանային կառավարի հրաձգություն սկսեցին: Սակայն մենք կրակի միջով ճեղքելով հասանք նպատակահետին, ոչնչացրինք զիսնի վրա եղած զերմանական ինքնաթիռները: Նախնական արդյունքներով ոչնչացվեց 6 և փնտրվեց 4 ինքնաթիռ:

Հիանալի էին մարտնչում իմ երիտասարդ ողակուներ Բենիխանովը, Մեչիկովը, Միխայիլովը: Նվիրված, համարձակ հիանալի ողակուներ են, ես նրանց սիրում եմ և զրկում ծովափին:

Հրամանատարության առաջադրանքը կատարված է: Այսօր պետք է հարձակում զործեինք թշնամու ջրային փոխադրական միջոցների վրա, բայց քամին խանգարեց: Խերես վաղը կամ վաղը չէ մյուս օրը կատարենք հարձակումը: Նորից մտել եմ պատերազմի՝ մեծ, արդարացի ու ազատարար պատերազմի օրրիտի մեջ՝ նանուն իմ Հայրենիքի, հանուն իմ ու մեր սիրելի հոր, զօրավար ընկեր Ստալինի:

Մենք այս տարի թշնամուն լավ ենք ջախջախում: Մենք այլևս չենք տեսնելու պարտության դառնությունները, այլ վայելելու ենք միայն հաղթանակի ցնձությունը: Որքան լավ է:

Օգոստոսի 28
Գեյնշիկ.

Այսօր զորհեցինք Տեմրյուկ նավահանգստի և թշնամու ջրային փոխադրական միջոցների վրա: Հարվածը հիանալի էր, ամեն ինչ այրվում էր: Ըստ րան ջրասույզ արհներ: Վերադարձին մեղ վրա զորհեցին ֆորտ և մեսսերները: Երկու հողու՝ Պոպովին և Մեչիկովին կորցրինք: Բայց հույս կա, որ նրանք կենդանի են և կվերադառնան: Ես տարա երկրորդ վեցյակը: Նպատակահետի վրա չփոթ առաջացավ: Նգիտեին ցամաքի վրա կռվել: զրտ համար էլ ցիրուցան եղան և կորուստ ունեցան: Կրակն ուժեղ էր, սակայն ճեղքեցինք ու հաջողությամբ հասանք նպատակահետին: Թող այդ թռիչքը նվեր լինի իմ մայր հայրենիքին:

Հարը հաճախակի է դրում: Որքան կարոտել եմ նրան ու աղջկաս, ուղում եմ զրկել, համբուրել և համբուրել:

Ես հայ ժողովրդի զավակ եմ: Սիրում եմ այդ փոքր, լավ ժողովրդին: Սիրում եմ Հայաստանի լեռները, սիրում եմ Հայաստանի քաղաքները, սիրում եմ նրա դաշտերն ու սրընթաց ջրվեժները, սքանչելի այգիներն ու բոստանները, ամեն, ամեն բան: -

Գերմանացիներն ուղում էին նվաճել նաև Հայաստանը: Դա նրանց չի հաջողվի: Բավական է, հայ ժողովուրդը շատ վիշտ ու տառապանք է տեսել: Մենք, Հայաստանի զավակներս, ողես ժողովրդի զավակների հետ միասին, մենք, մեր մեծ երկրի զավակներս, կհարվածենք գերմանացիներին, կջախ-

Վախենք նրանց, որպեսզի մեր երկիրը մեզ շնորհակալություն հայտնի, իսկ մեր առաջնորդն ասի՝ լսվի։ Ջորամասուն չորս հայ կա։ Սերգեյանին այսօր կորցրինք, մնացին տեխնիկ Պողոսյանը, օդաչու Պողոսյանը և ես։ Իսկ մենք ղեռ կկռվենք։

Օգոստոսի 28.

Երեկ, վաղ առավոտյան, թոխչրի ժամանակ զոհվեց մեր էսկադրիլիայի հրամանատարներից մեկը՝ կապիտան Ստրիգը, հիանալի օդաչու, սքանչելի մարտիկ, հայրենիքին նվիրված դավակ, շատ հարգված ընկեր։ Յավալի է, շատ ցավալի։ Սակայն մենք լաց չենք լինում, դրա ժամանակը չէ։ Թող մեր թշնամիներն իմանան, որ մենք դա էլ չենք մոռանա մեր մարդկանց արյան համար վրեժ կուժենք արյունով։ Ստրիգի փոխարեն կոչնչացնենք գերմանական շատ սրիկաներ։

Այսօր հաղորդեցին, որ իմ օդաչուներ Պոպուլն ու Մելնիկովը կենդանի են. կենդանի է նաև Սերգեյանը։ Որքան լավ է ու բերկրալի։ Շուտով նրանք կգան մեր ընտանիքը։

Տնից նամակ ստացա։ Նույնիսկ իմ աղջիկ Լյուդիան էլ է գրել, թե պապա, արի, նրա առաջին նամակն է, հենց որ կարդացի. սիրտս բարախեց։ Իստրիկ իմ, իմ ուրախություն, իմ երջանկություն, որտեղ ես դու այժմ, իմ խելոք աղջիկ՝ Նա իմ մեծ ու թանկագին աղջիկն է, թեև նամակն ինքն էլ չի գրել։ Բայց նրա սիրելի թաթիկները մասնակցել են զբելու պրոցեսին։ Ավելին ինչ եմ ուզում։

Սեպտեմբեր 2

Գիտնջիկ.

31-ին, մուժն ընկնելուն պես, հարձակում գործեցինք Տեսրյուկ նավահանգստի վրա։ Երբ հասանք, մուժն իջել էր, ես առաջնորդում էի երկրորդ խումբը՝ երեք ԻԼ-եր։ Գրոհեցինք շատ լավ։ ջրասույզ արիւնք ՎԻԻ և առաջ բերինք հրդեհի օջախ։ Մեզ վրա կատաղի կրակ բաց արին բոլոր կողմերից. արկերի պայթյուններն այնքան մոտ էին, որ լսվում էր նրանց ձայնը։ Մեծ դժվարությամբ ազատվեցի այդտեղից։ Վերադարձանք գիշերով մեկ-մեկ, որովհետև ես կորցրի տարածության կողմնորոշումը, բայց տեղ հասանք։ Մարտական յուրաքանչյուր թոխչը ուժեղացնում է մեր ատելությունը, մեր այրող ատելությունը ղեպի թշնամին։ Երբեմն այնքան ենք տարվում, որ մոռանում ենք, թե կրակում ենք վերջին արկն ու փամփուշտը։ Հարկավոր է խփել այդ իժներին մինչև նրանց լիակատար ոչնչացումը։ Ահա թե ինչ ենք զգում նպատակակետի վրա։ Վախնում ենք արդյոք։ Ո՛չ, այնտեղ վախ չկա, այնտեղ մեռում է միայն մեկ բան՝ ռեսանման ատելություն, ատելություն ղեպի այդ օտար, թշնամի մարդիկ, որոնք զենքով եկել են նվաճելու մեր մարդկանց։ Մարդ են, բայց մարդկային ոչինչ չունեն։ Եվ ուզում ենք սպանել, ոչնչացնել այդ սրիկաներին և մենք որքան ավելի շատ գերմանացի ոչնչացնենք, այնքան մոտ կլինի հաղթանակը։

Ահա այն հարցը, որի մասին ուզում էի գրել, թե ինչ ենք վերապրում և զգում մարտից առաջ։ Առաջադրանքի մշակումը, ինքնաթիռին մոտենալը, նախապատրաստությունը և բուն թոխչը ինձ ամենևին չեն հուզում։ Երբ մոտենում եմ նպատակակետին, միայն երբեմն է ընկալվում սառն զոդ անցնում իմ մարմնով, որն անմիջապես անհետանում է, և ես հանգստանում եմ ու այդպես շարունակում մինչև զրոհի վերջը։ Դրոհից

դուրս գալը տեղի է ունենում առանց որևէ աատանման, առանց երկուդի, հանցիստ, առավելագույն ուշադրությամբ և հանգստությամբ: Սակայն լարվածությունը որոշ ժամանակ հասնում է մաքսիմումի: Առաջ պատահում էր, որ երբևի՜ մինչև ինքնաթիռին մոտենալու և կարինայի մեջ մտնելու ժամանակ ես հուզվում էի: Այժմ այդ բանը չկա: Ավելի լավ: Իրա համար էլ կարող եմ ասել, որ ես կոպում եմ համարձակ կերպով, խիզախորեն, ինչպես վայել է ստալինյան օդաչուին:

Սեպտեմբերի 3

Գելենջիկ.

1943 թ. ամառն է. որքան երջանիկ, բերկրալի ամառ: Ամեն որ նորանոր հաղորդադրություններ են ստացվում մեր հաղթանակների մասին: Մենք հարձակվում ենք, մենք զնում ենք զեպի արևմուտք: Մենք զերմանացիներից խլեցինք ամառը՝ նրանց հույսը: Ով տեսել է պարտության տխրություններն ու վիրավորանքները, ով տեսել է 1941 թվի սարսափելի ամառը, 1943 թվին չի կարող չուրախանալ, պար չգալ իր տեղում, չսքանչանալ մեր հաղթանակներով: Փառք մեր զորքերին, փառք ողջ ժողովրդին, փառք մեր հայրենիքին և մեր Ստալինին, որը դաստիարակել է այնպիսի հիանալի մարտիկներ, ինչպես մենք. Կարմիր Բանակի և Ռազմա-Մովային Նավատորմի մարտիկներն ենք:

Շուտով այստեղ էլ կսկսվի հարձակումը. մենք պետք է զերմանացիներին դուրս շարտենք Թամանից, իսկ այնուհետև՝ Դրիմից: Մենք կրկնապատիկ, եռապատիկ վրեժ կլուծենք Կերչի համար, Սևաստոպոլի համար, (Պեսայի համար, մենք կզրավենք այդ վայրերը: Գտեսնե՛մ արդյոք ես այդ երջանիկ օրը:

Սեպտեմբերի 13.

Զուգեց իմ օդաչու Պոտապովը: Երեկ խումբը տարավ դասակի հրամանատար Պոպովը: Խելացի մարդ չէ, առաջին անգամ էր տանում և կորցրեց լավ օդաչուի, հայրենիքի ուրախ, կենսուրախ ու նվիրված զավակին: Նրան ցած դցեցին զենիթավորները: Դառն է, ցավալի, որ կտրեցին երիտասարդ հիանալի օդաչուի կյանքը: Մենք այդ չենք մոռանա, վրեժ կլուծենք: Բժ օդաչուները ցանկացած ինքնաթիռից մեկի կողին պրել «Հանուն Պոտապովի»: Ես թույլ տվի: Այո, Պոտապովի համար մենք վրեժ կլուծենք: Մանր է, շատ ծանր: Որքան եմ սիրում ես նրանց. նրանք այնպես լավ մարդիկ են: Նրանք, մեր այդ ողջ մարդիկ, որքան հիանալի են. բայց պատերազմը—չէ՞ որ մեր ամենքի առաջ կա միայն մեկ ճանապարհ, պատերազմ, իսկ մենք, պատերազմի զինվորներս, զնում ենք պատերազմի, անողոք պատերազմի՝ դաժան ճանապարհով: Նու, ինչ արած, թող այդպես լինի: Ավելի ուժգին կկոպենք հայրենիքի համար, սիրելի հայրենիքին կդռնարենք ամեն բան և կյանքը, որքան էլ այդ ցավալի լինի: Սակայն կաշիստե՛մ պաշտպանել մարդկանց, և եթե անհրաժեշտ է, թե՛ ինքս և թե՛ իմ օդաչուները կդիմենք մահվան հանուն հաղթանակի և հանուն հայրենիքի: